


NOTFAU: Gioia, 2j.



suechet dringänd es nöis Daheime mit Freigang

Liebi Tierfründe

Ig hoff, ig schtör grad nid, abr ig ha es grosses Probläm. Ig bi ganz dringänd uf dr Suechi nach eme nöie Daheime. Warum? Mis Froueli cha mir us private Gründ nüm so grächt wärde, wie sy's möcht. U denn isch da ou no min Brüetsch, der wo mir siit einiger Ziit, äxgüsi für de Uusdruck, uf dr Sack gaht. Er louft mir immr nache u ig wott liebr allei sy, der sött mi eifach i Rue lasse. Ig ha mi drum scho bir Nachbare iignischtet. Drum!

Ig heisse Gioia, wärd im Juli 2jährig, bi kaschtriert, gimpft, chipped, gsung u schtuberein. Ha wägem Schträss daheime wou mängisch es bitzeli Verdouigsprobläm gha, siit ig abr Sensitiv-Fuettr bechoh, isch das Vergangeheit. Isch aues wiedr guet. Ig bi e typische Charaktrchätz, ig schmüesele, wenn u wie lang ig das wott. Bi sähr säubschtändig, gah usse u inne, wie ig wott. Abr ig chumme immer wiedr zrugg zu mini Lüüt (we denn min Brüetsch grad weg isch) u hole churz mini Striicheleiheite ab, churz öppis ässe, e Rundi dööse u wiiter geits uf'd Pirsch. Familieaschluess isch mir wichtig, abr nid zu äng bitte. Sofahöckle u Färnsehluenge isch nid so mis Ding. Mini Hobbies sy: Schpiue, uf Böum chlätttere, muuse u mit Dir schpaziere gah. Bi mir muess immr öppis los sy. Ig mag dagäge gar nid: ummetrage wärde u Ching, Hung u Chätz daheime. Bi di geboreni Einzelprinzessin!

Ig wünsche mir es Daheime bi liebi chatzeerfahreni Lüüt, die wo zu mir luege u mi eifach Gioia lo sy. Bi dene ig nach Guschto inne u usse chah, durch es Törli düre, ir e sähr verchehrsarme Umgäbig, gärn ou ländlech. Fäudr u Wiese, das isch mini Wäut. Ohni Hung u Chätz. Ching sy ou nid unbedingt mis Ding, ab 12i sött's ga, we sy mini Privatsphär tüend reschpektiere, ig bi haut nid so e Schmuesetyp. Suechsch Du e liebi, säubschtändig Freigängeri u wohnsch Du verchehrsarm bis ländlech (villiicht nid grad i Seedorf/BE u Umgäbig, dört wohn ig nämlech grad, nid dass ig wiedr heimloufe tue)? Das wär's! Denn müesset mir üs unbedingt lehre chenne. Mäud Di doch bitte ganz gly bi dr Sonja Ball. Sie het sich mir agno u suechet für mi das nöie Plätzli.

Dini Gioia



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch